

დამფუძნებელი კრების საერთაშორისო
კომისიის გამოცემა.

3.

რისტვის და როგორ
შეუერთდა საქარ-
თველო რუსეთს.

20780



ტ ვ ი ლ ის ი

ქალაქთა კავშირის სტამბა, პუშკინის ქ. № 3.

1920



ჩინთვის ღა ჩოგოჩ უეუერტღა ს- ქარტველო რუსეთს.

1. საქარტველო რუსეთთან შეერტებამღის.

ათას ცხრაას თვრამეტი წლის ოცღა ექვს მაისს საქარტველო საბოლოოთ ჩამოშორღა რუსეთს: საქარტველოს ეჩფუნულმა სსბჭომ ერთხმად მიილო აქტი საქარტველოს დამოუკიდებლობისა. იგივე აქტი შემდეგ წელში ერთსულოვნად დაადასტურა სრულიად საქარტველოს დამფუძნებელმა კრებამ.

ამ რიგად, საქარტველომ გასწყვიტა კავშირი რუსეთთან, რომელსაც ის ას ჩვიდმეტი წლის წინეთ შეუერთღა. საქარტველო კვლავ დაადგა დამოუკიდებელი არსებობის გზას და დემოკრატიული აღმშენებლობის საქმეს თავგამოდებით აწარმოებს დღეს.

რა იყო მიზეზი, რომ საქარტველო თავის ნებით დაუკავშირღა რუსეთს?

ყოველი მხრით მტრებით გარშემორტყმულს, საქარტველოს დამოუკიდებელი არსებობა აღარ შეეძლო, მით უმეტეს, რომ მას არ ამაგრებღა შინაური ერთობა, მთლიანი და შეთანხმებული მოქმედების საჭიროების შეგნება. თვით უსაშინელეს გაჭივრების დროს, როცა სპარსეთის მფლობელი აღა-

მაჰმად ხანი ტფილისს შემოესია და აოხრებდა, საქართველოს მმართველებს ვერ დაეღწიათ თავი შინაური არეულობისა და შფოთისათვის. ჯერ კიდევ მესხეთმეტე საუკუნეში დაიწყო გაერთიანებული და ძლიერი საქართველოს დანაწილება. მაშინ ოსმალებმა დაიპყრეს მრავალი ქვეყნები, ხელში ჩაიგდეს კონსტანტანოპოლი (სტამბოლი), და საქართველოს საუკეთესო ნაწილი ძველი მესხეთი, სამცხე-საათაბაგო ანუ ეხლანდელი ახალციხე-ახალქალაქისა და ბათუმ-არტაანის მხარე თანდათან გადადიოდა ოსმალეთის ხელში. მაშინ საქართველო მოწყდა განათლებულ ევროპას და ოსმალეთ-სპარსეთის სათარეშოთ გადაიქცა. საქართველოს პოლიტიკურ დაუძლიერებას ზედ დაერთო მისი ნივთიერი და კულტურული დაქვეითებაც: ძველი მესხეთი საუკეთესო გზა იყო ევროპიელებისათვის ინდოეთში. ამ გზაზე უნდა გაეგლო აუარებელ სავაჭრო საქონელს. აქ იყრიდენ თავს ყველა კულტურული ხალხები. მიტომ იყო, რომ მესხეთი ყვაოდა ნივთიერად და სულიერად. უდიდესი პოეტები და მწერლები და საზოგადო მოღვაწენი მესხეთმა მისცა ძველ საქართველოს.

ამ კულტურული ნაწილის დაკარგვას მოჰყვა საქართველოს საზღვრების გაშიშვლება; მესხეთი, რომელიც გზა იყო ევროპისთვის აზიისაკენ, გახდა ოსმალეთისათვის მთელ საქართველოში სათარე-

შო გზათ. ამან გამოიწვია საქართველოს სამ სამეფოდ და ხუთ სამთავროდ დანაწილება. ამ ნაწილებს შორის დაუსრულებელი მტრობა და ქიშპობა იყო. აღმოსავლეთი საქართველო განიცდიდა სპარსეთისა, ხოლო დასავლეთი საქართველო ოსმალეთის გავლენას.

საქართველო სულ უკან და უკან მიდიოდა. მუდმივმა ომმა გარეშე მტრებთან, შუღლმა და შფოთმა შიგნით, წელში გასტეხა ხალხი. ამავე დროს ბატონ-ყმობის საშინელი და მძიმე უღელიც სულს უხუთავდა ხალხს. ამ გარემოებამ კიდევ უფრო დაასუსტა საქართველო: მეფეს მუდამ ბრძოლა და დავა ჰქონდა ცალკე კუთხის მებატონეებთან, რომელნიც ეურჩებოდნენ მას და სახელმწიფოს ანგრევდნენ.

ამგვარად მეთვრამეტე საუკუნეში საქართველო მეტის მეტად დასუსტდა.

ამავე დროს ჩრდილოეთით იზრდებოდა და ძლიერდებოდა საქრისტიანო რუსეთი, რომელთანაც საქართველოს კიდევ უფრო ადრე ჰქონდა ურთიერთობა.

იმ დროს, როცა ქართლ-კახეთში მეფობდა ერეკლე მეორე, ხოლო იმერეთში სოლომონ მეორე, რუსეთს განაგებდა დედოფალი ეკატერინე. რუსეთი ენერგიულად მოიწევდა სამხრეთისაკენ და ჩვენს საზღვრებს უახლოვდებოდა. მაგრამ დარიალით

შემოსავალი კარი მაგრად იყო დაცული და რუსეთს ამ გზით შემოსვლა არ შეეძლო. საქართველოში შემოსვლა კი მისთვის აუცილებელი იყო.

2. რუსეთის იმპერიალიზმი.

რუსეთისათვის კავკასიასა და კერძოდ საქართველოს დიდი მნიშვნელობა ჰქონდა. საქართველოში შემოსვლით მას გზა ეხსნებოდა სპარსეთ-ინდოეთზე და შავი ზღვა უვარდებოდა ხელში. ამიტომ რუსეთმა პეტრე დიდის დროს გაილაშქრა სპარსეთზე.

რუსეთის დედოფალს ეკატერინე მეორეს განზრახვა ჰქონდა საქართველოსთან დაახლოვების საშუალებით ოსმალეთი დაენაწილებია.

ამავე დროს ქართლ-კახეთის მეფეს ერეკლეს უნდოდა რუსეთის დახმარებით დაეხსნა საქართველო სპარსეთ-ოსმალეთისაგან.

როცა რუსეთ-ოსმალეთის ომი ატყდა, ერეკლემ იმერეთის მეფესთან ერთად რუსეთის მოკავშირედ გამოაცხადა თავი, იმ იმედით რომ ახალციხეს რუსების დახმარებით წაართმევდა ოსმალეთს. რუსეთის დედოფალმა ეკატერინემ გამოუგზავნა ერეკლეს მაშველი ჯარი გენერალი ტოტლებენის სარდლობით. მაგრამ ტოტლებენი საეჭვოდ იქცეოდა და ბოლოს სულ მიატოვა ქართველი ჯარი და რუსეთში დაბრუნდა. დედოფალი ეკატერინე ოსმალეთს შეურიგდა და ოსმალეთთან შეკრული ზავით

რუსეთმა აღიარა ოსმალეთის უფროსობა (პროტექტორიატი) იმერეთზე.

ამან აიძულა ერეკლე მეფე ევროპისათვის მიემართა და იქ დახმარება ეთხოვა. აი. რას სწერდა ის 1782 წ. ავსტრიის იმპერატორს: სახსარი არა გვაქვს, რომ ევროპიულად გაწვრთნილი ჯარი ვიყოლიოთ, თორემ ჩვენი მტრების სიმრავლე ვერ შეგვაშინებსო. ამიტომ გთხოვ გამომიგზავნო თული რამდენიმე პოლკის შესანახად, რომ საშვალეობა მქონდეს ევროპის სახელმწიფოებს შეძლებისდაგვარად ვემსახუროვო.

მაგრამ იმ დროს ევროპა მეტად დაშორებული იყო ჩვენზე. ევროპასა და საქართველოს შუა ოსმალეთის საბრძანებელი იყო გადაჭიმული. ამის გამო ევროპას საშუალება არ ჰქონდა დახმარებოდა საქართველოს. სამაგიეროთ, იმის შიშმა რომ ევროპა საქართველოში გავლენას მოიპოვებსო, გამოათხიზლა რუსეთის დედოფალი ეკატერინე II; მან კარგად იცოდა რა დიდი მნიშვნელობა ჰქონდა საქართველოს რუსეთისათვის და ამიტომ დააჩქარა მეფე ერეკლესთან ხელშეკრულობის დადება. ამ გზით უნდოდა მას ადვილად გამკლავებოდა ოსმალეთსპარსეთს და შემდეგ საქართველოც უდავიდარაბოდ ჩაეგდო ხელში.

3. რა სურდა საქართველოს.

რაკი ევროპასა და საქართველოს შორის ოსმალეთი იყო გაჩხირული, საქართველოს მხოლოდ

რუსეთთან შეეძლო კავშირის დაჭერა. ერეკლეც ხედავდა რომ რუსეთის სურვილი იყო შავ ზღვაზე გაბატონება და სპარსეთ-ინდოეთზე გზის გაკაფვა, რასაც ის საქართველოს დახმარებით ადვილად შესძლებდა. მაგრამ, თუ საქართველო მოისურვებდა სპარსეთ-ოსმალეთთან შეთანხმებას, დიდი ვნების მოტანაც შეეძლო რუსეთისათვის. ირაკლის ანგარიშით რუსეთი საქართველოს საშუალებით აღმოსავლეთისაკენ გზას გაიკაფავდა და სამაგიეროთ მფარველობას გაუწევდა საქართველოს, ხელს შეუწყობდა ოსმალეთის მიერ დაპყრობილი ტერიტორიის დაბრუნებას—მესხეთი დაუბრუნდებოდა ქართლს, ხოლო აჭარა იმერეთს.

ასე შეიყარა ერთად რუსეთის და საქართველოს სურვილები: ორივე მხარეს ხელსაყრელად მიაჩნდა კავშირის დადება და ეს კავშირიც დაიდვა ქ. გეორგიევსკში 1783 წელს მკათათვის 24.

1783 წლის ტრაქტატი (ხელშეკრულება).

აღნიშნული წლის მკათათვის 24-ს ციხე-ქალაქ გეორგიევსკში დაიდო ხელშეკრულება რუსეთის იმპერატორისა და ქართლ-კახეთის მეფე ერეკლე მეორეს შორის.

„სრულიად რუსეთის იმპერია, ასე იწყება ხელშეკრულება, ძველი დროიდან უწევდა მფარველობას და იფარავდა მეზობლების ძალადობისაგან საქართველოს ერთმორწმუნე ხალხს, რომლის

მეფეებიც, სამაგიეროთ, სცნობდენ უმაღლეს ხელმწიფობას და მფარველობას რუსეთის იმპერატორებისას. ამისთვის მისმა უდიდებულესობამ თავისი და მემკვიდრეების სახელით სამეგობრო კავშირი შეჰკრა მის ბრწყინვალეობას ქართლ-კახეთის მეფე ირაკლი მეორესთან“.

ეს ხელშეკრულობა, რომელიც რწმუნებულების საშუალებით დაიდო, შემდეგ მიღებულ წესისამებრ დამტკიცებულ იქნა ორივე სახელმწიფოს მეთაურების-მეფეების მიერ, ე. ი. მოხდა მისი ეგრეთ წოდებული რატიფიკაცია, დამტკიცება.

მაშასადამე, საერთაშორისო სამართლით მიღებული წესის თანახმად რუსეთსა და საქართველოს შორის შეიკრა კავშირი, რომელიც გამოიხატა იმაში, რომ საქართველომ მიიღო რუსეთის მფარველობა. ამ მფარველობის, ანუ პროტექტორატის, ძალით საქართველოს ევალეობდა სამუდამოთ ეთქვა უარი სპარსეთის ან რომელიმე სხვა სახელმწიფოს ერთგულებაზე. ეს ერთობ დიდი და მძიმე მოვალეობა იყო საქართველოსათვის, რადგან სპარსეთი და ოსმალეთი ვერ შეურიგდებოდენ კავკასიაზე რუსეთის გავლენის გავრცელებას და მოხერხებულ დროს საქართველოს ჯავრს ამოიყრიდენ. ამიტომ რუსეთიც პირობას სდებდა თავის მხრით, რომ დაცავდა მეფე ერეკლეს მაშინდელ სამფლობელოს და მის გაფართოებასაც შეუწყობდა ხელს. ამისთვის კი

საჭირო იყო რუსეთიდან დამხმარე ჯარის გამოგზავნა ამის შესახებ ხელშეკრულებაში შეტანილია საგანგებო მუხლი, რომელშიაც სიტყვა-სიტყვით შემდეგია ნათქვამი:

„მისი უდიდებულესობა (რუსეთის იმპერატორი) პირობას სდებს, უკეთუ ომი იქნება, იარაღის შემწვობით, ხოლო ზავის შეკერის დროს—მოლაპარაკებით ყოველივე ზომა მიიღოს, რათა ქართლ-კახეთის სამეფოს დაუბრუნდეს ის ადგილები, რომელნიც მას უხსოვარი დროიდან ეკუთვნოდა“.

საქართველოს გაერთიანება, ძველი ისტორიული საზღვრების აღდგენა—აი რა აზრი ასულდგმულებდა მეფე ერეკლეს. ამ მიზნისათვის არ მოერიდა ის დიდ საფრთხეს—სპარსეთ-ოსმალეთის გადამტერებას. მაგრამ ერეკლე დარწმუნებული იყო, რომ ერთმორწმუნე და ძლიერი რუსეთი მას არ გასწირავდა, მით უმეტეს, რომ საქართველოსთან კავშირი თვითონ რუსეთისათვის იყო ხელსაყრელი.

როგორი უნდა დარჩენილიყო საქართველოს შინაური წყობილება? ხელშეკრულებაში ეს საკითხიც არის გადაჭრილი: შინაური მართველობა საგსებით საქართველოს მეფის ხელში უნდა ყოფილიყო და რუსეთის წარმომადგენელს საქართველოში ეკრძალებოდა ადგილობრივ საქმეებში ამა თუ იმ სახით ჩარევა.

1790 წ. საკავშირო ხელშეკრულობა.

გეორგიევსკის ტრაქტატის დადებიდან შვიდი წლის შემდეგ, 1790 წ. ქართლ-კახეთის მეფე ირაკლისა ერთის მხრით, ხოლო მეორე მხრით იმერეთის მეფესა და გურია-სამეგრელოს მთავრებს შორის დაიდო საკავშირო ხელშეკრულობა, რომლის ძალითაც აღნიშნული პირები თანხმობით უნდა გამოსულიყვნენ საერთო მტრის წინააღმდეგ ირაკლის მეთაურობით. ხელშეკრულობის მონაწილენი სთხოვდნენ აგრეთვე ირაკლის, რომ მას მოეხერხებინა რუსეთის პროტექტორატის (მფარველობის) გავრცელება მთელ საქართველოზე. 1793 წ. ერეკლემ სთხოვა ეკატერინე მეორეს რუსეთის პროტექტორატის გავრცელება მთლად საქართველოზე.

რუსეთი თითქოს შეუდგა ხელშეკრულობით ნაკისრ მოვალეობის ასრულებას: ჯერ კიდევ ადრე, ტოტლებენის სარდლობით დამხმარე ჯარი მოაშველა ირაკლისა და შემდეგ 1719 წ. ოსმალეთთან შეკრული საზავო პირობით რუსეთმა მოსთხოვა ოსმალეთს საქართველოსათვის თავი დაენებებია.

მაგრამ სინამდვილეში სულ სხვა გარემოებას ჰქონდა ადგილი: რუსეთი არ იტყოდა უარს საქართველოს დახმარებით სპარსეთ-ოსმალეთის დასუსტებაზე, მაგრამ თუ საქმე გაუჭირდებოდა, საქართველოს ადვილად დაუთმობდა საჯიჯგნად გაათურებულ მტრებს.

ასეც მოხდა: რუსეთთან კავშირისათვის სპარსეთმა შური იძია საქართველოზე და სპარსეთის მფლობელმა აღა-მაჰმად-ხანმა საშინლად ააოხრა ტფილისი. მხოლოდ ამ აოხრების შემდეგ მოვიდა რუსეთიდან მაშველი ჯარი, რომელმაც საქართველოს ჯარებთან ერთად აიღო კავკასიის კარი აღმოსავლეთიდან—დარუბანდი (დერბენტი).

1798 წელს გარდაიცვალა ოთხმოცდა ხუთი წლის მოხუცი მეგრძოლი მეფე ერეკლე და გამეფდა მისი ავათმყოფი შვილი გიორგი XII. დადებული ხელშეკრულობის ძალით, რუსეთისათვის სამეფო ნიშნები უნდა გამოეთხოვა ირაკლის მემკვიდრეს მეფე გიორგის. გარდა ამისა ამავე ხელშეკრულობის ძალით მეფე გიორგიმ მოსთხოვა რუსეთს ტახტზე დამტკიცება, ნამდვილი მფარველობის გაწევა, ჯარის გამოგზავნა და სხვ. მეფე გიორგი ითხოვდა სამიათას კაცს და კავკასიაში მყოფი ჯარის უფრო სისათვის ბრძანების მიცემას, რომ ის გაჭირვების დროს მიშველებოდა საქართველოს თავისი შვიდი ათასი კაციით.

გიორგი მეფის სურვილი დააკმაყოფილეს: მას მოუყიდა სამეფო გვირგვინი და საქართველოში ერთი პოლკი რუსის ჯარისა შემოვიდა.

მაგრამ ამ დროს რუსეთში თანდათან ძლიერდებოდა ის აზრი, რომ საქართველოს დამოუკიდებლობა სრულიად მოესპოთ.

რა იტაცებდა რუსეთს? ჩვენი ქვეყნის ბუნებრივი სიმდიდრე და საქართველოს მდებარეობა: საქართველოს შემწეობით რუსეთი ადვილათ გაუმკლავდებოდა სპარსეთს და ადვილათვე მოუგრებდა კისერს კავკასიის მთიულებს. ამავე დროს საქართველოდან ელჩებიც ცდილობდნენ ქართლ-კახეთის უფრო მჭიდროთ დაკავშირებას რუსეთთან. საქართველოს ელჩები უცხადებდნენ რუსეთს რომ საქართველოს სურს რუსეთის ქვეშევრდომობა, რომ საქართველოს მმართველად უნდა დარჩეს ქართველი მეფის შვილი რუსეთის იმპერატორის მოადგილის და საქართველოს მეფის ტიტულით და სხვ. ხოლო შინაურ საქმეებში საქართველო თავისუფალი უნდა იყოსო.

ასეთი პირობა რუსეთმა მიიღო; ხოლო გულში გადასწყვიტა საქართველოს სრული შემოერთება: 1800 წ. 22 დეკ. რუსეთის იმპერატორმა პავლემ ხელი მოაწერა საქართველოს შეერთების მანიფესტს, რომელიც უნდა გამოეცხადებიათ გიორგი XII გარდაცვალების შემდეგ.

გიორგი გარდაიცვალა 1800 წლის დეკემბრის 28-ს. ტახტზე უნდა ასულიყო შვილი მისი დავითი. მაგრამ რუსეთის გენერალმა ლაზარევმა დავითს ამისი ნება არ მისცა და დავითიც მხოლოდ რეგენტის სახელწოდებით შეუდგა ქვეყნის მართვას.

1801 წ. საქართველოში მოვიდა — 1800 წ. დეკემბ-

რის 22-ს დაწერილი მანიფესტი. ის წაიკითხეს სიონის ტაძარში თებერვლის 16. დამოუკიდებლობის მოსპობამ გაკვირვება და მღელვარება გამოიწვია. ელჩებმა ისევ მიაშურეს რუსეთს, მაგრამ მანიფესტის ხელის მომწერი იმპერატორი პავლე ცოცხალი აღარ იყო. 1801 წ. მარტის 12 რუსეთის ტახტზე ავიდა იმპერატორი ალექსანდრე პირველი. ამ უკანასკნელმა 1901 წ. 12 ენკენისთვის გამოსცა ახალი მანიფესტი, რომლითაც ქართლ-კახეთის სამეფო აღიარებულ იქნა რუსეთის გუბერნიად, მთავარმართებლად დაინიშნა რუსი გენერალი კნორინგი, ხოლო სამოქალაქო საქმეების გამგეთ კოვალენსკი.

ასე შეასრულა რუსეთის მთავრობამ დადებული ხელშეკრულება: სამეგობროთ გაწვდილი ხელის საპასუხოთ რუსეთმა იუდას ამბორით უპასუხა პატარა ერთმორწმუნე ერს და მთელი ას ჩვიდმეტი წლის განმავლობაში ავიწროებდა საქართველოს თავისუფლებას.

1819 წ. რუსეთმა დაიპყრო აგრეთვე იმერეთი და თანდათანობით მთელი საქართველოს ბატონი გახდა. მაგრამ საქართველო უდრტვინველად არ შეხვედრია დამონებას.

ჯერ კიდევ რუსეთის შემოსვლის პირველ წლებში აუჯანყდა ახალ მმართველობას მთიულეთი ერეკლე მეფის შვილის ალექსანდრეს მეთაურობით; მალე აჯანყდა რუსის ჯარისა და მებატონე-

ბის ჩაგვრისგან აშფოთებული კახეთიც და ბოლოს, რუსეთის შემოსვლის დღიდან ოცდა ათი წლის შემდეგ, საქართველოს თავად-აზნაურობის საუკეთესო წარმომადგენლები ამაოდ შეეცადნენ მოეწყოთ რუსეთის საწინააღმდეგო შეთქმულობა ტფილისში.

ამის შემდეგ საქართველო შეურიგდა რუსეთის ბატონობას და მთელი რუსეთის ხალხთან ერთად ას ჩვიდმეტი წლის განმავლობაში ერთგულად ემსახურებოდა სახელმწიფოს: იხდიდა გადასახადს, აგზავნიდა უზარმაზარი რუსეთის დასაცავათ თავის შვილებს ჯარში, იტანდა მრავალ დამცირებას.

ამ ორი წლის წინეთ, 1918 წლის მაისის 26-ს საქართველომ გასწყვიტა კავშირი რუსეთთან; ჩამოშორდა მას და თავისი თავი თავისუფალ, დამოუკიდებელ სახელმწიფოდ გამოაცხადა.

საშინელი ომისაგან დაუძლურებული რუსეთის გაბოლშევიკებულმა ჯარებმა აღარ იკისრეს ჩვენი ქვეყნის დაცვა ოსმალთა შემოსევისაგან. პირიქით, რუსის ჯარები ტფილისისაკენ მოიწევდნენ, ჩვენს დარბევას ფიქრობდნენ. ჩვენ თვითონ უნდა გვეკისრა ჩვენი თავის პატრონობა; თვითონ უნდა შეგვექმნა ჯარი, სახელმწიფო, ყველაფერი, რაც წესიერი ცხოვრების მოწყობისათვის აუცილებლათ საჭიროა.

საქართველო გაბედულათ დაადგა ამ გზას. ორი წელიწადია რაც ის დამოუკიდებლათ, მხოლოდ თავისი ძალღონით ცხოვრობს. ამ ხნის განმავლობაში

947.922

№ 631

— 16 —

თითქმის სულყველა ჩვენი მეზობლები დაუძღურდნ ომისა და შინაური უწყსრიგობის გამო. ჩვენი ქვეყანა კი, დღეს გაერთიანებული თავისუფალი საქართველო, თითით საჩვენებელი გახდა თავისი სიმტკიცით და წესიერებით.

თუ ჩვენი ქვეყნის კეთილდღეობა ამ ას ცხრამეტი წლის წინეთ რუსეთის მფარველობას თხოვლობდა, ამ ორი წლის წინეთ ქვეყნის კეთილდღეობა მოითხოვდა ჩვენს გამოყოფას დასანგრევათ გამზადებული რუსეთისაგან, ჩვენი დამოუკიდებლობის, თავისუფლების გამოცხადებას.

